


古廉李先主詩集

景泰刊本

蒼茫齋主人日題

華陽高氏蒼茫齋
藏金石書籍記







古廉先生詩集序

國字祭酒前翰林學士古廉序


生既卒之二年其門人南京國

祭酒吳公與儉哀其平日所著賦

頌古選及五七言律絕句總計若

千首分為十一卷藁既具緘封質

於奉



勅巡撫江右都憲東吳韓公永熙公
重興儉篤於師友之義我屬予校正
序其首郡守四明姚公堂過予所
獲觀焉歎捐俸鉅梓以廣其傳古
廉予先達也素仰其節行之高
尚學之富詩文之工為天下之所
崇重非一日序之作雖歎美之言

可乎竊惟

國朝統一萬方氣運混合巨儒碩考
接踵挺生文章之作實有以昭一
代治化之盛在洪武初有以余
華宗公景濂五公子克相繼入翰
林高文大冊震耀海內自是迄
今司製作之柄者率以高古之

文雄詞奧論鋪張

神他奔藻休究有補太平之
治至以之擅名曾監宗主斯文以
文章道學他成天子之才效用
當時早隆至治又有滑郡宋公
訥孫章胡公儼臨川吳公溥四
明陳公敬宗古廉先生時勉其

人焉先生世家安成由進士為三事
為侍講為御史為學士終于酒
以身任勸道之重四十餘年其學
淵而弘其行貞而固其為文也春
容而雅暢衍逸而弘肆憲之平
仁義道德之敷陳其為賦頌詩
歌也雄健俊逸浩如洪濤之怒奔

鏘如金石之迭奏三一律而把規
詛忠愛之形著予閱之累日殆心
醉神融恍若進登古作者之庭不
知今之為今也信為一代儒宗百
世師表與先後諸名公詔芳接武
而有耀矣又況若在

先朝嘗抗章建議知者其國不知

者其身觀其謹言確論光昭烈
日忠肝義膽天地實臨直節正
氣激摩霄漢視古忠諫為無媿
其所以崇國體光彝倫植世教
有功於世為甚大歎知先生者
當以是取苟拘於文字之末又
曷足以知先生之大哉是知先生

立名兩間振耀不朽為天下後世
之所景仰者固在著述之工尤以
節行為之本也借使節行不立
雖詩齊李杜文並歐蘇亦不足
尚此予於先生不能不兼取而致
重也予素知先生者重以都憲
公兩奏于

朝請加贈謚祭酒與儉公能篤於
義郡守姚公能成其美於是不
辭述此為序云

景泰七年就集丙子九月既望
中議大夫贊化尹大理寺丞
弋陽李奎文曜書

古燕李先生詩集目錄

卷一

賦

壯京賦

獅子賦

麒麟賦

白象賦


平胡頌有序

卷二

五言古詩

魯學士新館燕集

杏園雅集



南園別墅得豈字 送少師楊先生還建安

寄興 十首 送王同知 五首

遊小西天 七首

送許守信還昆陵 八首取詩凡今之人莫如兄弟為韻

秋夕書懷寄友 三首 存心堂

融子遠來示之以詩以道其志

題德潤堂 送彭教諭赴臨清 五首

立齋 友桂庭

觀種蔬

予自家至庄所欲西上訪親故去伐曾約同

行至是果采遂聯轡而往雖值雨潦歷
廿餘日畧無厭倦之色庶幾有始終者
既還當別以道意

雨晴 三友圖

中元燕集 蘭竹

閒居 春日遊平坡寺 五首

題趙松雪所畫東坡詩意

七月十五夜飲對月呈同遊諸公

酬蔣御醫用文 二首 送王大尹昇歸羅田

送范助教往壯京國監

拙存

溪山行樂圖

壽菊詩為王脩撰賦

送陶給事僉憲福建

卷三

五言古詩

哭幼子剛 四首

雪江獨釣

送羅侍郎致仕

和荅崇侍郎

山水小景為徐以道賦

流觴曲水圖

獻秀庭

楊顛道壽箴 三首

送王高

送殷布政 二首

送王僉事孟堅歸浙東

送羅誠心

元夕後一日士暘開宴王侍讀宅得積字

送祥符劉廣文

雙鶴篇

秀野堂

景賢堂

送王御史貴莊

耕樂

送呂僉事

冬至刺字

送王公軾還臨川

題山水

一絲江表

素軒

畫山水

元夕分韻得雲字

送陳尚書致仕還闕得去紛二字

耕讀軒

送羅知州得斗字

題澄心老人卷

挽楊慈進士

送陳祭酒得橋門二字

畫山水

蘭畹一首

學古齋

怡樂堂

劉寺副梅竹雙喜圖

送羅知州赴口北理軍餉

止齋

清江浦福興閣與苗侍讀留飲樹陰下

過淮陰驛夜宿南鎖垠與苗侍讀飲柳下

郭尚書晚詩

伏日燕吳吉士宅得雲字

送陳御史

送獨孤郎中二首

聽鶴軒

魯菴為太守賦

除夕宴吳編脩宅

中秋宴彭編脩家

九月燕集

花朝得雲字

貞壽堂

蘇武伏節圖

送王大尹守貞之桐城

江鄉歸趣為楊先生賦漁樵耕牧圖

金華陳氏宗遠嘉會堂
輓倪郎中維哲

卷四

五言律

送張景良省親還永新

九日呈同飲諸公 紀夢

寄子欽

余到城中逢與肅同歸過去後宿明日早
別去伐欲留有不滿之意作詩贈予予
勉強和之云耳

一夜夢中作詩覺猶能全記移時止記後四
句及天明止記第三聯曰曠野雲千里
平林樹萬九字而忘其韻昨夜睡覺忽
記結二句是十陽韻遂徧念韻而後能
全記焉

梅月軒

浣溪圖

三坳浮嵐

竹岡夕照

蒼筠急澗圖

題山水小景

送人下第還鄉

送人之官廣西

送友還鄉

夜過高郵湖

過高唐寄東昌守田德弘

客舍夢幼子翰

憶次子壻

和鄒侍講所示夜坐韻

送彭孚恂秀才館于安鄉伯家

送羅主簿歸江寧 元夕午門觀燈

送利貞謝大尹之桃源

送人之官吳中 挽曾參政

鳳凰曲

古栢竹石

送劉思清

正月二十日夜宿朝房與苗侍讀劉脩撰感

懷有作

瓊樓書屋 二首

題小景

梅花

和章處士韻

楊村驛

十五日晚舟中作

過寶應入萬光湖

早膳八里鋪槐陰下

晚尋西澗

冒雨至沙河棗林訪章公寓所

往撫州過武陽驛

過進賢行路皆稱長丑有善政

夜宿梅根中夜風稍息乘月行舟

淮安遇姚善侍御 彭太守相送至南湖

夜過清河寄李太守

夜行新安河中嚴令

送楊少保 滄江吹笛

仲昭竹為韓侍御雍題

東郭草堂宴集 李處士挽詩

送積中上人歸天竺

五言排律

鳳池春雨為袁中書賦

中和堂為胡氏題

春日遊海印寺至月庭上人方丈

挽學古先生 除夕醉後聯句

大雨水至 送陳理知府得金字

中伏日謝進士席上作得揮字

補贈倪吉士扈巡卷

薊門曉騎送周博士

卷五

五言絕句

題山水小景 題梅

路傍林禽鳥 烏鵲

中夜飲酒

月下吟

夏夜

夏日雨中

征婦怨三首

商婦怨二首

楊柳枝詞

白頭吟

桃李樹

古意二首

流水曲

雜詩三首

子夜歌聲

題畫竹五首

畫馬二首

題菜

雨止

卷六

歌行

瑞應甘露歌應制

元夕觀燈

麒麟歌

福祿歌

駝鷄歌

馬哈歌

耕樂

送恂如周員外徵賦兩浙得江字

送人歸文江

枯栢渡送劉通判

山水圖為校書賦

雪舟同載為傳知縣王潤賦

九峯樵隱

送進士漳州校官

石泉歌為顧應文賦

陳主事行樂圖

送王祿勸復任

東園別墅

清風軒

磻州書屋

泉石生涯為凱工人賦

趙大年花鳥圖

送陳師周還永豐

畫山水為憺上人賦

雪景

畫山水

李都御史所藏錢舜舉金碧山水

夏珪荷亭聽雨為李都御史題

將進酒送安事黃公

卷七

歌行

題王節行樂圖

王古用筆華軒

歲寒三友圖

玉峽書房

雲林書屋

所翁畫龍

送陳廣文子友改教繁昌

春江別意送董元英復任海州

過魯橋驛望鄒嶧山

歌鳳臺

中秋宴集得月字

清湘書屋

和荅王脩撰直南京見寄

鶴鴒圖詩為通州樂汝剛賦

題林郎中扈蹕卷 一樂堂

嵩隱軒 澄懷堂為王指揮賦

龍洲書館圖 梯雲樓為衢州李序賦

白門霽雪 樂耕亭

送高陵令 送人歸衡陽

龍溪書屋 雲松詩

送詹知縣之寧德 悅槐堂

送胡以賓人材歸老

題成以節赴春闈行卷

卷八

歌行

題瀟湘烟雨圖 秋江蘆鴈圖

題黃鶴山人秋意 送羅伯初陽江訓導

折楊柳送鍾中書還南京

畫馬篇 題山水為陳太守賦

畫梅 題竹

將軍獵虎 獅子裘毬

五明馬 送王行敏歸泰和

瞻淇軒

壽泰和楊先生六十

送彭毓智兄弟

送滿參政

送劉顯忠省親還鄉

蒼山小隱

海天高興

停舟清磯許風伯

入鳳城襄城諸公來迎就會襄城家小飲即

辭

耕樂堂

鳳山書屋

送劉校書往泗州學正

冰蘖堂

學圃

畫山水

白鷺洲送人下第歸文江

送瀘洲新安訓導 送楊副使赴雲南

漢陽樹色送蕭大尹雲南

送郭慶大尹還猗氏

邙鄆烟樹送朱珏參議歸河南

岩岩亭送陳參政歸山東

朝陽丹鳳為李奎御史題

卷九

七言律

元夕觀燈四首

送李暹主事使八達黑裔

和胡學士中秋韻

送鄭中書雍言還南京兼簡周編脩

送人赴河南
送蕭深州

送劉會憲咸還河南

送呂尚書歸省
送郭給事叔父歸文江

胡學士挽詩

松溪舊隱為直主事乃兄賦

題方壺小景
送新安葉令尹

閩山霜露卷
送王士華婦寧波畢婚

贈秀才從軍

鍾鼎曾狀元婿也既字之來求詩以勉之

送周文褒復任河南

映雪齋
和荅盧吉士翰二首

鑑湖樓閣
送張布政還山東

白鶴山房楊學士讀書處

送羅侍郎還烏臺
魯林懷思為孔太常賦

山水
環溪八景四首

送傅僉事
三山曉月

五渡寒流

同江烟樹

玄潭劍石

送許公儀之夏津

贈陳醫士

新春五日送汝良還鄉兼簡謝二桃源利貞

送子潭還南京

春日陳檢討宅燕集

送尚友知州

吳楚在望圖

草亭小隱畫像

天水一清樓

送梁多象遠吉水

婁桑里

蒼雪軒為湖上人賦

送潘參政

送開上人歸德清

南鍾舊墅

學書軒

送劉英進士

斗山風木

送章克安歸紹興因寄聲其兄郎中

送錢僉事

七夕二首

中秋夜飲呈同席諸公

新鴈

處州妙成觀有軒曰掀蓬甚清絕鎮撫孟廷

用為予言宋何丞相有詩刻之軒中誦

其辭甚習求予和之

初度日酌謝同寓諸公

九日再酌

小窓

吳尚書惠炭兼餅醢

得毓敬書酌之以詩

挽方正履端

題揚郎中寧公勤堂

卷十

七言律詩

為魯侍講賦龍潭八題

送宜韶還故鄉

九日得飛字

和荅楊吉士相

驟雪喜晴和胡祭酒

和魯侍講所示禁中對雪

憶諸兄

雙清軒為王引賦

九日後吳沈二中書自南京至得揚吉士書

詩以酬之

送伯翼劉縣丞歸龍溪

與陳吉士秋宵步月

寄啓先胡吉士

送顏端人材歸南京

和荅袁太常

彭蠡湖

瀑布泉

五老峯

二賢祠

白鹿洞

青牛谷

冰玉澗

雲錦屏

南溪草堂

送瀘淵從子體上歸故鄉

送余通判復任蘇州

平原耕叟

送胡忠大尹復任

送人遊茅山

送人歸毘陵

送人之官閩海

送熊自誠歸文江

長林書屋

哭姪子厚

禪峯墨翠

寄吾侍郎

送存有貳守致仕

送廣文之上杭

送元不武致仕

送袁檢校還南京

綠陰樓

送柴尚書還鄉祭祖

梅花

南思堂為彭誠賦

送許檢校歸省

送武陵訓導鄒孟幾

送貴莊進士

送蕭江

送王教授善廣

忠義堂

送彭發學正

送周知縣訓

送劉推官希陽

送劉學錄兄弟歸樟樹

和長兄

江南春為蔣少卿題

送馬學士父

畫山水為致仕王守真題

遺愛祠

送李司務觀志

送胡推官肅

送王孔目

羅都御史過訪

息齋竹為與肅題

與從弟兵曹燕集

宜陽郡齋愁坐

湘潭烟雨

慶王千戶遷秩

送周崇厚中書還鄉

送熊太守歸鳳陽

送郭寺丞道昌

送吳方伯

慶王學士乃兄行敏壽旦

茂恩堂

送彭素銅梁教授

冬日憶第五第七二兄書懷

夢萱堂

冬至前一日寓興

送齊百口使蜀

送洪縣丞歸樂清

送張友讓照磨

立園舊隱

東昌

松筠書屋

送周庶子姪還吉水

送如憲赴邠城

送嗣慶揚先告老歸鄉

七月初一夜渡大江懷在京諸友

上呂梁洪

濟寧道中

自荏平夜行至高唐

晚過黃家渡

七言排律

壽椿堂

卷十一

七言絕句

送黃主事還鄉祭祖

題翎毛

山中小景

紀夢

夜寒諸公多喜酒予獨與孟成二公清談棄

醉和之

題畫竹送陳京

題翎毛

梅鵲

題鶴鵲

流鶯

鶴鷄

寄友

往介溪二首

題萬竹烟雨圖

和荅去伐見惠詩韻

五首

戊辰冬十月往郭村

承惠菊石菖蒲

小景

山水小景

蘭

畫竹

題小景三首

鶴鷄

題陶穀郵亭夜宿圖

墨竹

題方壺小景

陳無垢小景

山水小景

鶴鷄圖

子英跨鯉圖

畫梅

題折枝竹鶴

白頭

枯木竹石

畫竹

畫山水

山市晴嵐

烟寺晚鐘

瀟湘夜雨

洞庭秋月

漁村夕照

平沙落鴈

遠浦帆歸

畫龍

題伯牙鼓琴圖

牧牛圖

山水小景

春江獨釣

茅堂書隱

青縣

新橋驛

覓川芎菽

開戶

青山白雲圖

行騎至沙河

午鄭侍郎留飲沙河

十四日晚至陵下

玄猿圖為魏侍郎題

寒曉聚禽圖

梅花為與梁題

宿柘磯

小景

謝苗社送菊栽

題畫魚

春山喬木

秋林泉石

三友圖

古廉李先生詩集目錄終

古廉李先生詩集卷一

南京國子監祭酒門人

致仕大理寺右少卿弋陽李奎校正

吳節

賦

北京賦

惟

皇明之受天命也我

太祖皇帝首仗義師以平暴亂豪傑景從聲振江漢
消除僭竊拯民塗炭定鼎金陵撫綏萬邦乃瞻茲
土寔雄朔方倣成周之卜洛欲並建而未遑逮我

聖上繼明重光握乾御極一遵舊章仁聲洋溢乎遐
爾息澤汪濊於八荒既致治於太平遵

皇衢以省方仰

先志之未遂度弘規以作京兆經營之伊始徧夷夏
其懽騰曰惟此都在與之域右挾太行左據碣石
背疊險兮重關面平原兮廣澤宗恒嶽其巍巍鎮
鑿閭而奕奕冠九州之形勝實為天府之國是以
軒轅邑之以分州唐堯階之以為帝擴神化以宜
民大勲德之光被鬱王氣之所鍾于今茲而有待
也於是仰瞻析木俯測地靈龜筮兆吉天人叶應

神祇獻珎而山石自出河嶽效靈而神木自行民
子來兮相續期不日而成功爾乃懸水樹泉識景
表營方位既正高下既平群力畢舉百工並興建
不拔之丕址拓萬雉之金城引天泉於西阜環湯
池而鏡清九衢百廛之通達連薨邃宇之縱橫顧
壯麗其若此非燕逸而娛情蓋所以強幹而弱枝
居重以御輕展

皇儀而朝諸侯遵先軌而布仁政者也若乃四郊砥
平皇道正直視萬國之環拱適居中而建極其南
則萬流宗海平林蔽天攬邯鄲鉅康之廣衍馳平

疇沃野之綿延澹淤恒衛徑其野濡磁涑涑匯其
前界以大陸廣阿之弘壤阨以大茂并陞之連山
包絡趙魏襟帶齊魯膏腴之地綿亘三千餘里而
極于黃河伊潁之川其水陸之所產卓犖繁盛蓋
莫得而計焉其址則疊嶂巖危層巒蔽虧長城矗
乎雲表百泉湧乎山隈壯天關而設險守一夫而
莫開偉左盤而右顧宛鳳舞而龍飛寔磅礴而鬱
積粵擁衛於邦畿包狼山上谷之阻據野狐獨石
之危掩祖山木葉之離立連白登紫塞之逶迤控
女真而極乎洮河之北鎮朔漠而逾乎瀚海之濱

檀棗之類犬羊之群畏威懷德相率而來歸其東
則潞河通漕控引江淮肥洳灤涑灌注縈迴連峰
片石之隘首陽崆峒之厓玉田白壁神仙瑯臺超
無終而越金山跨遼瀋而逾鴨綠至於暘谷日出
之涯固已遐哉邈乎而莫不在乎綏懷環以大海
衆水所歸洪濤巨浪洶湧崔嵬蓋不知其幾千萬
里而蠻裔番舶帆檣隱天上下不絕而往來又有
蓬瀛方壺鳳麟聚窟十洲三島靈異非一流精之
闕瓊華之室墉城峇嶢金臺峯嶽紫氣丹青景雲
矚日靈囿倭佺安期羨門之倫相與游從乎其間

出入隱見而恍惚瞻

帝京其伊邇庶可見其駮鸞駕鶴之髣髴其西則崇
山鬱翠高挹泰岱北接居庸南首河內奇峰擁關
龍門阻隘玉泉垂虹青烟浮黛上巖窠兮倚空下
蟠據而際海其麓則有渾河湯湯西湖泱泱溝
琉璃乘乾廣陽雪波泛湧灑漾汪洋瀉千里會流
帝鄉又有上林禁苑種植畜牧連郊踰畿緣立彌谷
澤潞川匯若大湖瀛海渺瀰而相屬其中則有奇
花珍果嘉樹甘木禽獸魚鼈豐殖繁育颺颺籍籍
不可得而盡錄固可以因農隙而校田獵選車徒

以講武事乃遵國風稽王制詔期門簡將帥乘玉
輅擁翠蓋出天闕而雷轟轆芳郊而雲會非所以
威戎誇狄娛樂騁意蓋將取不姪而除苗害狩無
擇而順殺氣謹大易之用於三驅之時驗騶虞之
仁於一發之際水衡虞人之容與武夫杜士之奮
厲皆知夫仁者之為勇而以投石超距之足鄙亦
何必殄夷禽獸割鮮野食而以俛仰極樂之為貴
也若夫其宮室之制則損益乎黃帝合宮之宜式
遵乎

太祖貽謀之良居高以臨下背陰而面陽奉天凌霄

以磊砢謹身鎮極而崢嶸華蓋穹崇以造天儼特
處乎中央上倣象夫天體之圓下效法乎坤德之
方兩觀對峙以嶽立五門高矗乎昊蒼飛閣屹以
奠乎四表瓊樓嵬以立于兩旁廟社並列左右相
當東崇文華重國家之大本西翊武英嚴齋居而
存誠彤庭玉砌壁檻華廊飛簷下啄業楹高懸闕
閭闔其蕩蕩儼

帝居于將將玉戶繁華星之炯晃璇題納明月而輝
煌寶珠焜耀於天關金龍天矯於虹梁藻井煥發
綺窓玲瓏建瓴聯絡復道迴衝軼霄漢以上出俯

日月而盪胸五色炫映金碧晶熒浮輝揚耀霞彩
雲紅其後則奉

先之殿仁壽之宮乾清坤寧眇麗穹窿掖庭椒房闈
闈闕通其前則郊建圓立合祭天地山川壇壝恭
肅明祀至於五軍庶府之司六卿百僚之位嚴署
宇之齊設比館舍而並置列大明之東西割文武
而制異至於京尹赤縣之治兩王侯貴戚之邸第
辟雍成均育賢之地守羽林而掌攸飛者至九十
而有四衛莫不井列而綦布各雄壯而備麗其若
廊之上則有臯夔稷契之倫元凱俊乂之輩相與

賡虞廷之歌談義農之際罄補衮之能懷忠貞之志考禮文於大脩贊聲樂之盡美是以

朝無缺政德教漸暨薄海內外均陶至治幸其有作
聿來茲事成此大功忘其劬勤人和既極休徵落
至慶雲瑞霽之覆于闕庭素鳥玄兔之獻于丹陛
醴泉屢出甘露數降麒麟騶虞之珎馴獅天馬之
類紛紜徠運莫能殫記于以見天眷之益隆而
聖德之純備者也於是正月上日工既訖工爰告成
於天地肆紹美於祖宗清心凝慮齋沐肅雍染盛
既潔牲牲既豐芬郁郁以旁達靈續續其來降錫

嘉貺之穰穰介景福於

帝躬將順應於昌期趾盛美於無窮乃服袞冕御
帝座開九重之深宮受萬邦之朝賀內侯甸而要荒
外殊方而異俗胥近悅而遠來紛鼓舞而匍匐方
物溢以充庭麥絢燦而駭矚率蹈舞於階墀效華
封之三祝爾乃浹和會昭景鑠鏗鯨鐘奏雅樂
詔光祿以開筵合百辟而燕樂饌珎玉兮芳馨壘瓊
漿以斟酌聯貂蟬兮夾陛襍蠻夷之荒服莫不酣
暢而飽德咸頌歌而踴躍越填城而溢郭藹歡聲
於寰廓斯可以媿太古之無為慶華胥而蹈栗陸

顧

皇上之謙抑視至治為未足於是降德音播嘉惠省
刑罰薄賦稅汰冗濁旌廉吏舉賢才摧俊乂發倉
廩賑貧匱尊高年而禮有德慎防禦而修武備貴
爵重賞以厲庶耻厚往薄來以馭夷裔蓋欲使人
知所本土知所勵四方萬國無一民之失所窮陬
僻壤無一物之不遂舉陶於春風和煦之中而樂
於雍熙泰和之治此蓋堯舜兢業之心文王敬止
之意所以紹

鴻業繼

先志益宏遠而有偉故不勞而甚易冠絕乎前古垂
休於後世固可必

聖子之與神孫益昌盛而無替小臣微陋忝職文字

願賦

帝都之盛槩揚

國美於萬禩復為之歌曰煌煌

帝都兮逾鎬豐阻山帶河兮壯以旌天開日明兮王

氣所鍾穹窿造天兮惟

帝之宮廓氣稜兮開溟濛鎮夷夏兮宣皇風王道平

平兮四方未同願

皇圖之鞏固歷萬世兮無窮

麒麟賦

惟

聖德之廣運兮屢感名夫禎祥粵瑞世之仁獸兮乃
復見夫遐方榮光澹其輝耀兮佳氣翳其茫洋曜
靈晃以下燭兮海波靜而不揚岳夷聚而來觀兮
偃徒倚而傍徨微徃牒之所紀兮叶瑞應其彰彰
繫含仁而懷義兮復步履之安詳彼生草之不屈
兮矧生物之或戕不踣觸兮相及寧群居以為亢
嗟被毳之總總兮敢接跡而隨行遭

聖人之在位兮霑恩澤於窮荒乃曠世而一出兮昭
皇化之無疆實中國之大瑞兮豈小國之敢當爰卜
日而命使兮肅惟戒乎舟航羗侑之以方物兮于
以貢天神京離夷壤之僻遠兮道瀛海之滄茫神
颺颺以清路兮百靈續其在傍波灑灑其粼粼兮
雲飄拂其靈靈兮神龍與為侶兮挾靈龜以為朋
鯨鯢伏浪而屏息兮鸞鳳下顧而回翔遭汗漫以
徑渡兮肆陸歷乎康莊犀兕紛以襍沓兮騶虞掖
其跼踖彼熊羆群于虎豹兮暨鸞鵬之與鶴鶴徒
飛走其誰羨兮咸錯愕而相望乾坤蕩而清肅兮

山嶽煥其焜煌踰重譯之迢迢兮爰始達乎

帝鄉望九門其既闢兮雙闕察其光芒翠華絢日以

冉冉兮金莖浴露兮灑灑

晁旒儼其既臨兮瑞物偉其在庭性振振以自馴兮

乃不擾而不驚龜文燁而濯濯兮龍首挺其昂昂

方引脰而一鳴兮叶律呂而諧宮商

重瞳載顧于丹宸兮百辟歡動乎巖廊曰麒麟之為

物兮實瑞世而匪常昔軒轅之至聖兮來苑囿而

徜徉或遊憇乎郊藪兮復一見于成康周詩托咏

于仁厚兮傳記徒載其荒唐惟我

皇之仁聖兮勤宵旰而不遑治化隆於三代兮功德

媿乎羲黃既禮備而樂和兮惟端拱而垂裳此至

瑞所以特見於今日兮實有徵于太平顧微臣之

謏謏兮幸遭逢乎

聖明惟盛德之深厚兮欲稱頌而未能竭菲才以為

賦兮于麟趾其有光祝

聖祚於悠久兮與天地而同長

獅子賦

偉西域之奇獸性猛戾而形殊匪罔束之可制豈

韞紕之能拘離中國其既遠固難得而見諸惟

聖皇之御宇德無遠而不被越侏儻與左衽率獻珎
而奉贄豈茲物之是遺歷重譯而俱至觀其鉤爪
戟利鑿齒霜潔首固蜀山之金額壯昆吾之鐵紉
眼晶瑩蒼髯煜燁體性稟金精之剛毛質得中央
之色尾冉冉兮綴衣腹皎皎兮凝雪清風飄拂乎
柔毳赤日眩曜于廣臆哮吼則威聲雷奮顧眇而
目光電激林谷為之震動江河為之蕩潏舉趾迅
奔則千里倏忽奮怒揚威而百獸戰慄萬牛失據
六駮奪魄羆貓喪氣楔偷屏跡白雉悞以奔竄玄
熊踣而辟易按犀尾以飛延磔虎豹而喋血茲所

以為毛群之特而非可至以人力也昔軒轅之盛
時曾一見于東巡歷億載以逮茲幸有生之逢辰
顧西極之綿藐沐膏澤於

皇仁雄姿弭其如擾猛氣婉以自馴固將遠攬騶虞
接迹祥麟游乎靈囿之內遠夫寂寞之濱安能蹊
躅於哈烈之地與歲月以因循爾乃憑祥雲駕雕
闌涉流沙踰玉關倚天路而喋足望都城以怡頽
金門曉兮洞開

龍駕儼以臨軒與萬物而並進伏丹墀以盤桓亦禽
奇獸固非

聖人之所重而嚮風慕義乃遠人之所先亦惟我
皇上有懷遠為近之德居重馭輕之權故四夷咸服
中國莫安仁恩溥洽而茲獸自致乎苑囿之間是
蓋同符於越裳之貢雉而實

盛德至治之應豈徒夸以為奇玩若赤烏白兔之與
角端也哉嗟淺薄其何庸旅進退於金門同百辟
以拜舞觀盛美而欣歡繼頌聲以獻賦効微衷之
惓惓願

皇圖之鞏固祝

聖壽於萬年

白象賦

炎海之濱和氣薰蒸山川毓秀搖光降精祥氛瑞
靄煜煜熒熒而奇獸於是生焉其色浩潔狀壤
奇脩牙玉潤柔毳霜披燭青霄而有耀瑩白璧而
無疵泥甘露以澤質食沆瀣以充飢崢嶸乎宇宙
掩映乎朝曦鼓舞躡躡風迴電馳爾乃出林谷歷
嶽嶽遊廣澤憇郊陲祥烟被體白日凝輝長鳴而
山谷震昂首而紫雲霏濯清流於碧海斂素采於
咸池行大陸而莫蔽步皓月其誰知若乃賦性易
馴任力莫敵動若嶽徙止猶冰積恍雪山之峩峩

奇瓊島之奕奕首不以觸齒不以齧其產也固由乎天造其致也不藉乎人力進退步趨必由規矩蹈舞跪起寧勞於訓飭巴蛇為之欽慕文犀為之辟易茲蓋異於伊水之長洲豈獨產於弗林之大食使姬且見之應獨驅於虎豹軒轅得之亦何羨乎白澤此其所以罕聞於前古而兩見於今日也爾乃錦首燦爛羅絡玲瓏掖以群類從以胥童頌盻燁煜步履容辭荒服之遠徼獻蓬萊之新宮豈比夫深山之麋鹿徒接迹於蒿蓬固當與麒麟而為侶慶

盛世之遭逢遊靈囿以自適沐膏澤於無窮
頌

平胡頌 有序

臣時勉稽首頓首上言伏惟

皇帝陛下以聖神文武之德續承

太祖高皇帝基緒日夕乾乾不少暇豫華夷蠻貊咸底寧謐雖海外萬國向風慕化奔走來朝納土獻貢莫敢有異獨瓦剌僻在漠北曩嘗與其隣類自相讎怨攻擊摧衄其衆流散不能自立皇上憫其喪敗假之封爵以重其勢錫賚撫循輯其

部落由是憑仗

皇威得以休息生齒畜牧頗繁于舊此宜感德佩恩以圖報稱乃背違信義率其醜類侵擾邊境拘殺使臣於是

皇上赫然震怒詔告天下奉將天命躬率六師以正其罪師至撒里怯兒之地虜來迎戰一鼓敗北追至刺河虜酋悉衆來拒我師奮擊又大敗之狼奔豕駭錯莫失措奔弓捐矢號呼奔竄遂殺其名王以下數十人斬馘甚衆餘虜遁去乃詔班師車駕還京百官奉表稱賀臣惟昔

太祖高皇帝受天明命革胡元猾夏之習大復我中國衣冠之治驅其遺孽遠出塞北然猶不忍棄絕遣使撫諭使不失所我

皇上即位之初念其摧敗覃恩施惠俾獲自存實

太祖高皇帝之志而天地再造之恩也乃卒懷異心阻命絕使驕侈縱恣自取滅亡此

天討所必加而勢不容於自己是以

天戈所指莫不敗北妖氛腥穢悉以盪滌神功聖績卓絕萬古何其盛邪誠宜播之聲詩以傳示無窮臣才識疎淺不足以稱頌

聖德之萬一然躬親盛事不敢以默謹撰成平胡頌
一篇潛首頓首以進頌曰惟

皇聖明溥施恩德流行洋溢洽于萬國惟警弁裳左
社侏偻聞風慕化莫不率來惟是醜虜沙漠之裔
不自量力讎其隣類殫慮竭勇歲尋于兵少筭拙
謀不能自勝摧敗沮喪忸辱震恐衆或不制訖于
流冗

皇曰嗟哉惟虜之愚我懷以仁豈惟彼殊乃厚其賞
乃錫以爵假以勢力安其部落十餘年間生息以
蕃乃背于德以肆其奸驕侈縱恣挾技以逞殺我

信使擾我邊境

皇帝曰吁虜惟是狂不恤其利乃趣于亡爰整我旅
奉行

天討揚旂旆旆震鼓考考臨于朔方戈甲晶熒不
疾不奔不震不驚陳布沙磧虜衆來萃

天戈一指悉以奔潰維河之濱越維虜巢我師征
之不譁以啖虜酋慄慄惟險是據率其餘衆敢來
我拒手弓拍矢躡躡睚眦奮其螳臂欲以當車我
陣既列虜衆敗走六師奮擊追躡其後殺其名王
殄其兇渠較轢其餘是縛是屠換槍既殞妖氛既

息萬里腥羶于是盪滌

皇廵沙漠沙漠肅清乃班我師以歸于京

皇歸于京歡動海宇論功行賞萬國咸覩百辟卿士
頌聲洋洋曰靖胡虜宴惟我

皇我皇仁聖不暇以逸厲精圖治惟

太祖是式惟昔

太祖文武聖神爰革胡俗禮樂一新我

皇繼統繩于

祖武迅掃腥羶功蓋萬古惟功之崇惟德之隆垂裕
厥後世世攸同小臣作頌咏歌

聖德刻在貞珉傳示無極

古廉李先生詩集卷一

古廉李先生詩集卷二

南京國子監祭酒門人

吳節編集

致仕大理寺右少卿弋陽李奎校正

五言古詩

曾學士新館燕集

高館得幽勝適通金城坊廣庭絕塵雜曲迂迴康莊
忻遂數還往慰昔遙相望環垣佳樹繁汲井寒泉香
親交愜高會歡燕坐華堂嘉肴薦蘭俎仙液酌霞觴
諧談契衷曲清詠協宮商樂飲日西夕高城澹餘光
醉歸步華月寧用乘堅良幽懷既昭曠餘興猶飄揚

擄辭竟未達敢繼瑤華章

杏園雅集

踈雨過城闌草木生華滋良辰得清暇可以遂遨嬉
杏園既宏敞亭館亦翬蜚林深日光薄花發香風隨
鶴舞臨廣除鶯鳴在高枝景會神已超目暢心自怡
從來調鼎資能幹造化機萬彙各有適而我亦奚為
陶然發高詠焉知西日微

南園別墅得豈字

幽尋偶自適閑居固應徒桑柘繞園林人烟藹墟里
戶庭絕塵鞅山谷獻奇偉嘉樹淨含滋溪流清徹底

竹間稍開在朋友時來止乘興狎尊酌清談到經史
偃仰中自得高懷孰能擬夕曠山澤遊聞風遠翹企
鳳毛黍交態微辭昭歎美自慙才蹇拙分韻復得豈
徘徊望餘光含情未能已申章愧蕪謬知音吾何毀
送少師楊先生還建安

聖朝有元老德邵顏未衰離家三十載今始得一歸
公卿盡集送車馬紛相馳臨祖誰不羨而我念遠違
憶昔擢桂日每恨識荆遲從容笑談際文采光陸離
先皇注隆眷出入被恩私朝下趨黃閣日晏出彤墀
論思與獻替密勿疇能知光價連城璧忠悃傾陽葵

頻年扈仙蹕遠踰沙漠茫茫屬車塵萬里常相隨
雄駮天廐馬美服宮錦衣運籌奮士氣飛檄震天威
能令驕虜滅致治洽雍熙禁中有頗牧朝端見皇華
捧

日青天上畫斧曾受遺三孤歷四世一德佐

萬機穆穆

聖明主端拱以無為公義既少遂先隴恒在思惟
皇體孝念需恩忽然垂顧惟鼎鼐間碩德良已稀茲
行且慰意暫往寧久辭東風吹征旆綠柳啼黃鸝長
河乘新漲畫鷁去如飛倏忽望閩粵丹山碧水湄父

老識顏采桑梓增光輝故鄉雖云樂滯留豈其宜
聖心正虛宁四海想容儀調元在台輔屬任非公誰

寄興十首

以杜少陵燈影照無寐心清聞妙香為韻

我昔少年時讀書日有程悠悠北窓下矻矻對青燈
愛此清光好夜久心愈清如何今夕見不寐翻可憎
光輝豈有異愛憎出人情世事固如此已矣焉足評
蒼松無改色脩竹多直影共惜桃李顏明媚艷陽景
常聞渥洼產千里在俄頃踟顧緬屬漢迅是何由騁
嶠嶠歷崕嶺欲極蒼梧頂林深豺虎多林壑條已曠

白日麗中天寰宇無不照春陽布時澤品彙仰光耀
朝見蜉蝣飛窮陰固其兆能令作霖雨呻吟為歌咲
試玩九疇辭庶徵惟人召勉旃變元和無貽傳岩謂
陶公種五柳翩然遷舊廬醉卧一片石不知身有無
劉生得美酒飲啜寧復餘生死了不顧尋常携一鋤
季子六國印相如駟馬車聲名同不朽焉知能與愚
姬日負才美慄慄三公位上欲致君聖下欲興民利
終夜思弗獲達旦不成寐捋髮與吐哺賢哲聿來萃
載觀王會圖功成塞天地媲美有阿衡後者誰能繼
昔者管與鮑無嫌多取金張范重然諾千里遠相尋

伯牙奏流水鍾子解知音如何同舍郎未識不疑心
淒涼廢房操憔悴白頭吟貞心倘不諒不如丘中琴
墨翟善為守智掩公輸名雲梯極工巧九變卒完成
李廣遠斥候匈奴皆膽驚一出守邊郡萬里沙塵清
從來說名將不在多奇兵斯人不可作感歎寄歌聲
沉陰乍開霽濕氣蒸為雲憑憑翳落照空庭條已昏
金風厲秋節涼雨仍紛紛隔牆歌者誰長夜非喜聞
反側至天旦起來候朝暾聊與二三友消愁對一尊
峩峩天台山山水特清妙祥飈駐林巒白日迴光耀
隱暎赤城霞飄拂滄海嶠誰識碧桃花往者晨與肇

我欲從之遊願聞煉丹要指途重回首踟蹰卷廊廟
蘭生在幽林回風散清香深谷產靈芝五彩爛雲光
紉蘭以為佩採芝以為糧終歲常不飢濯足歌滄浪
青山何逶迤滄江亦渺茫俛仰意何適為君誦斯章
送王同知五首

以李謫仙渡遠荆門外之句為韻

窮陰積滯雨秋草失行路長河浪濤湧斷岸蛟鼉舞
美人隔通津望望不得渡咫尺間微音况爾千里去
蕭然坐長夜幽懷誰共語

涼露滴梧桐一葉落秋苑金風吹鴻雁逼此寒景短
隨陽渡紫塞側翅猶宛轉瀚海積冰霜飛飛不顧反
去影長悠悠青天白雲遠

王喬雙鳧鳥幾度入瑤京黃霸在潁川烈烈著休聲
龐統負才猷驥足方遠行獨憐顏與仲去處難為情
何由餞王祥相與遂班荆

彭澤陶元亮好閑厭世紛歸來藝松菊五柳正當門
高欽無與和時復傾一尊斯人去已遠清名今尚存
經過訪栗里為我道殷勤

知音何必深相與在傾蓋結交三十載中路忽云改
秦臺怨白首思苦心腸碎倏忽即分離杳隔關山外

月明夢江上扁舟何處在

遊小西天七首

簪組愜幽賞古來莫能俱獨此得清暇乘時遂與娛
膺膺芳郊近懷望西北隅迢迢携一僮孤往無與俱
兩山各對峙一水中縈紆沿流渡谿石清風吹我裾
岩堯石崇岡四望盡平舒高懷既超曠煩濁亦已祛
攢峯是何許森聳凌空虛牧童為予指中有金仙居
前山面壁削磴道緣歆傾傍驚歷險嶮仰眩逼稜層
倦來數憇息始達維摩廳因岩謝梁棟弘邃由天成
不見古時僧空餘舊碑銘至今松風來猶為掃門庭

欲窮上浮屠躡級縈崢嶸山果落秋實林鳥窺人鳴
世言極樂地何為勞我形誰知衆峰表曠然敞雲坪
貝葉絲白馬歷世為千載翻演極三乘空術廓已大
睽茲石經堂窈窕無窒礙磨龕萬琬琰鐫勒自隋代
風雲為旋繞鬼神亦呵衛金石固為鏘劫火不相迨
昔者雙林下說法觀自在真源既了然豈慮患與害
大道如青天白日燭冥晦澹寂無所取斯石焉足賴
岩泉自涓流石池亦深寬冬春無盈縮泓渟少波瀾
下視不見底知有蛟龍蟠嘉禾結秋陰霏霞生晝寒
靈神儼像設凜然不可干過客難久留居民恒致虔

時還出雲氣翳空浩瀟漫如聞風雷動殷勤層霄間
願言作霖雨長遣生植蕃無徒享民祀深居貽自安
上高下崇萃徑險躋屈盤探竒自忘倦攀緣極層巔
臺址上羅列塔級亦駢聯昔時曝經處片石憑空懸
俯視飛鳥背仰矚白日前群峰下迢迢引睇入浮烟
恍若見恒河可以擲大千山童知我在歌舞來踟躕
搏雲鳶鳥集殷空簫鼓喧清興為飄揚何必求神仙
鷲嶺豈殊此周覽亦已窮睠言尋舊術返步歷榛叢
天秋木葉下禽響岩壑空童子六七人踏歌復相從
翩翩携餘興迴環玉堂中主僧具佳茗清言殊未終

息陰憩古栢激籟迴長風昔賢此遊翫碑誌猶穹窿
蒼苔翳白石慨想徒遺蹤後來知為誰應與此心同
下尋步微徑緬級西山趾沿迴渡前溪喜見雲居寺
老僧知客來出迎藁薄裏珠樹發華滋空庭淨如洗
開門坐焚香幽談悟玄理高閣聞疎鍾澹爾煩愔弭
白鶴忽飛來夕陽明水底欲將窮勝跡歸思浩然起
飄飄馭長風飛騎不得止還望舊遊山峩峩暮烟紫

送許守信還毘陵八首

取詩凡今之人莫如兄弟為韻

君家好兄弟文采俱不凡伯也仕京國仲也居江南

往來時覲省古人亦何慙池塘夢草句風雨對床談
非才忝交際旅館時盍簪艱難愧深念環報何時脚
古人重交誼今人重黃金青雲少汲引白首未知音
掛劍豈必舊心許方在今千里訪海南一棹度山陰
如何程公門憔悴無過尋所以管與鮑萬古知其心
娟娟秦若蘭靜織流黃機金梭度巧思宛轉成苦辭
翔鸞與舞鳳粲粲揚光輝良人天一方將欲遠致之
豈但觴離別白頭以相期寧當不我諒使我長相思
金風吹祖席不知幾何人他人憐遠別所重骨肉親
立馬薊門道解纜潞河津浮雲獨南征繾綣情未伸

仰睇清秋鴻俯視滄海鱗願言數寄書豈獨慰殷勤
昨者不見君未遠至京洛綵雲襲金雀紫鳳巢阿閣
五侯七貴門車馬紛交錯白日沸管絃高燕縱歡樂
錦衣與玉食慮恐不知怍龐公歸鹿門豈厭長寂寞
繁華市朝豔閑逸林野娛蘭苕雲外綠水環在幽居
門前種松竹屋裏藏詩書採山有美茹釣水有嘉魚
客來泛清賞歡宴歌唐虞典酣任所適此樂誰能如
竊祿念天顯廿載居瑤京繆承許劭願獲識士龍名
舉世慕牛弘而我愛姜肱錦衾每同卧荆樹長敷榮
三族得儀軌一室無乖爭薄俗焉足道元方難其兄

張翰到家時落葉方滿地應有菊花開三徑饒秋意
鄉隣盡相候共話昇平事回首望京華閨河邈迢迢
繡服栢臺人正此憶難弟重來如有情遲爾春風際

秋夕書懷寄友三首

踈櫺當暗室待月時來鼻坐久自成寐不知清露零
夢我平生友尊酌聊共傾半酣弄秋月蕩漾如有情
浮雲忽飛來黥黥混大清旁有萬丈崖倒影極泓渟
安得垂轆轤輓汲上銀瓶

汲井作晚食遲遲及深更新濕火不燃釜寒水無聲
愁心恨夜長飢腹驚雷鳴引瓢解餘渴爨水已成冰

微軀何足惜有若鴻毛輕深息殊未酬區區念餘生
豈復思一飽飛去如蒼鷹

深幽夜色早悽惻眠獨遲尋常不見月况值陰雲垂
蛩響不堪聽鴈聲亦何悲匪獨感時節念與故交違
相均豈云遠累月間容輝空歌不得聞激烈誰將知
沉鬱意何為塞默徒相思

存心堂

我有方寸心實為一身主虛靈本天賦萬理畢以具
惟人既有欲豈無外鑠慮操絃未發時省察將萌處
一息苟有間放逸無根據所以君子心惓惓常反顧

玉壺貯清水洞徹絕纖污良田秀嘉穀螟螣不能蠹
一源既通會四端不膠固義以事君上仁以事父母
勇以樹勲業孝以繩祖武制事與待物皆由此心著
君能知所存成德冠終古勉其慎厥脩以副當時譽
融子遠來示之以詩以道其志

爾從故園來念我何辛苦相見非昔顏慘戚淚如雨
勸汝勿深悲收淚聽我語父子性相親君臣義所取
我生雖庸愚遭逢

聖明主明時負才賢致用惟所舉廉節世所欽貪冒
誰復與列郡少龔黃廊廟多伊呂四方仰盛治歌謳

頌堯禹

皇心乃謙抑圖治尚迺佇效忠志不渝狗國身已許
誓欲報恩眷焉知避鑽斧心赤言不讎袞職竟無補
羈縲固宜然安得復凄楚勉為忠與孝慎勿自摧沮
便佞莫交際柔剛莫吞吐為何譽世徒孰若觸舜侶

題德潤堂

人心萃萬有出入乃無時何能使之正審此善惡機
好色惡惡臭力行不自欺憊然以快足至理諒在茲
靈臺既昭曠四體恒舒怡譬彼石蘊玉山谷含華滋
溫和滋內直君子固若斯愚者未所從局促令心悲

勗我崇令德堂擁生光輝

送彭教諭赴臨清五首

取應德埤凡百敬爾位為韻

索居正遠念忽聞來自南如何雁乖隔不得一盞簪
膺薦宜特達寵擢異乎凡振鐸君自慊離別我難堪
安得如翔風飄飄戀征驂

青春負竒才遠遊重觀國騏驥逸足駑駘皆辟易
鯤鵬厲脩翮燕雀空累百武城試絃歌葉縣飛鳧舄
雄才未及展憔悴困沙礫

賢哲信所適窮達固安命昔者柳士師三黜不為病

德美異常流豈獨元龍敬時來自軒昂何用事奔競
薄俗咸足憐為君發孤詠

我昔學讀書豈為慕華侈遵途範遠轍斜徑不復履
影纓齒士林結交盡君子俛仰企蘭金終竟誰知已
倥偬固宜然感歎徒為爾

賢達宜高秩德隆功亦倍任重苟不勝不如在末位
君子安素食至理焉足賴蘇公昧燮和千載以為愧
豈若教蘇湖清名至今在

立齋

講學志已薦更欲求名師鵠立在函文翼翼慎其儀

豈不思退逸進脩當此時朔風吹前庭雪落何霖霖
疑心住道妙不覺寒切飢自非素心堅安取清名出
陽春激高唱兔苑誇言辭徒然駭衆聽名教竟何裨
揆予慕前脩將殊世俗為軒居既曠達豈徒積詩書
勗哉崇明德賢哲與同居

友桂庭

庭前有桂樹托根固且深鬱鬱蔽灌木亭亭出層岑
冬春不改色當夏團清陰儼立若端士幽閑無過尋
獨此偶貞諒悠然詣素襟商飈動金粟芬芳被喬林
有時得醇酎對酌還自斟低枝拂舞袖深翠逼鳴琴

歡賞豈有極因之發孤吟
惟有蘭馨可以諭同心

觀流

列棘樊隙地藝闢藝嘉蔬蕪穢既燔薙畦隴亦平舒
嫩綠艷葵藿深翠綠瓜瓠清晨起灌溉寧辭筋骨劬
顧茲艱難際肉食非所需豈惟甘澹泊玩適情以愉
食之幸可飽日給不願餘如何貴游士市利紛相趨
俛仰思嘗相不得奪園夫安得見其人掩涕空嗟吁
予自家至庄所欲西上訪親故去伐曾約同行莫
果來遂聯轡而往雖值雨潦歷涉其餘日畧無厭倦

之色庶幾有始終者既還當別以道意

乘輿暫辭家西河訪親故輿馬以代勞不復憂辛苦
時維閏二月道路多風雨僕夫見泥濘已有倦行慮
戴生我舊人素心膠漆固曾此前十日言約同行去
及茲騎馬來忽然到孤寓但云隨爾行不問去何處
危山既屢登漲溪凡幾度層雲鶴鶴鳴深壑蛟鼉舞
朝遊不離群夕息必同處親知盡相迎尊酌極歡聚
去日春始分返路春已暮柴林布谷啼桺岸黃鸝語
忽憶我壯時君年纔十五負篋從我遊聰明好師古
及我上京華送我江之滸徘徊不忍別解舟已停午

睽違三十載歸尋舊時侶壯者已白髮老者為黃土
悵望林谷間念爾叔與父君負英俊才可以繩祖武
我有數男兒與汝心相許二子今不見見汝情懷楚
死生有之分棄置勿復舉斯須終當別聊為具尊俎
大江有急流喬林多高樹高樹可蔭休急流慎勿渡
清飈吹廣庭別意難久駐臨分迷苦懷非君誰共喻

雨晴

一春久淫雨溪壑浩渺渺今日始開晴窓外聞啼鳥
雲去山色佳水落江聲小坐久心自悟興發吟未了
山途尚泥濘來客經過少惟有西南風時時度林杪

三文圖

蒼松蔭脩竹色映寒梅清大雪忽飄洒澗谷積層冰
山鵲忽飛來不知寒氣凝愛此幽絕境時還啼一聲
物性自相悅感激念浮生欲將謝塵鞅永結歲寒盟
中元燕集贈劉主事球之蜀藩分韻得雨字
上陵值秋陰歸途冒風雨中元倏已過華筵忽復舉
餞爾同袍人奉使巴江去瀟洒孰與倫聰明少為伍
青春擢高第出身事

明主茲行到王國典禮在稽古儀文有定制毫髮無
違迂最執慎

君命勿言別離苦

蘭竹

誰寫幽谷姿深蔭琅玕碧軍疑渭川近頗覺沅湘窄
清芬楚畹芳翠浥淇園色庭秋灑氣浮窓暝嵐烟隔
何當紉為佩逍遙遂閑適截取長釣竿臨流坐盤石
微風飄香散萬籟空中寂援琴發孤操幽意那能識

閒居

厦屋無人居廣途少行躅日夕幽軒中何不厭局促
勢利昧者投仁義明所燭消搖一榻內八荒恒在目
有時馭中車獨往遵平陸悠悠觀物化紛紛自相逐

浮雲隨往還澹然遂其欲窓外鳥聲閑庭前草新綠
此意誰復知為君歌此曲

春日遊平坡寺五首

以山遠在空翠為韻

聖情眷百僚優詔輟朝班許以三日期遊樂京畿間
同袍五六月悠悠望西山高陵浮雲去遠見飛鳥還
欲訪金仙居聯鑣去閑閑前瞻曠原野回眴邈天關
和風扇寮廓萬物俱歡顏岩巖錐峭嶮不惜窮躋攀
出郭天欲曙到山日初烜相邀下馬行迢遙陟層巘
崎嶇數里間磴道幾迴轉陰壑雪凝寒陽崖柳舒暖

高高上青冥始及給孤苑鳥雀下庭除山僧猶未飯
白雲忽飛來傍簷自舒卷萬籟寂無聞頓覺塵慮遠
法地本天造千古鎮長在磅礴延崑崙巖業挹恒岱
珠樹隱巖岩寶殿出烟靄縹緲流四五輩袈裟遠相待
焚香擊鍾磬引客窮勝槩高閣峙崔嵬曠望極無外
仰探天漢表俯蹙飛鳥背誰能悟真源澹然忘俗累
龍湫在何許引睇東南峰傍崖下斗絕緣徑被蒙茸
歷嶮頻憇息始與前山通嵌竇蓄清泉神物潛其中
林谷颯森爽烟景相冥濛無時乘雲去靈雨飛長空
枯槁回鮮榮年穀亦以豐茲惟亨明祀錫號垂無窮

秘岩訪老衲石龕小留憇為言近山側猶有前朝寺
相從步苔徑倏忽已云至臺殿既蕭條松柏自蒼翠
徙倚雙樹林徘徊布金地感彼阮生言繁華有憔悴
平生慕勝境於今始云遂莫忘去來蹤茲遊尚可繼

題趙松雪所畫東坡詩意

東風忽然來吹我杏花
花落夜深涼露繁清香被簾幕
惜春不暇懶杖策出高閣
褰裳步微徑明月囑林薄
同袍慙幽賞置酒花間酌
吹簫萬壑靜餘韻入寥廓
油然清興發高歌有餘樂
此意誰能知坡仙已繇說
偉哉松雪翁丹青殊不惡
只尺寫幽趣見者皆驚愕

往迹如可尋遺芳俱寂寞
俛仰增慨歎念昔遂有作
嗟哉雕虫技媿爾青蠅託

七月十五夜飲對月呈同遊諸公

落日將暝色孤蟾啓夜光
河深蕩輕槩露坐飛瓊觴
蘭肴稍羅列客思隨飄揚
涼風自西來飄飄吹我裳
黍酒祛薄寒草露發清香
平臨原野闊仰視河漢長
豈不念自息焉輅駐汾陽
聊此慰今夕幾日上河梁

酬蔣御醫用文二首

旭日麗柔條黃鳥相和鳴
佳人愜心賞清謠叶新聲
春風從東來淡蕩千花明
殷勤故交意繾綣離別情

言咲難可期申章聊獨成

幽懷浩已盈清光殊未央
明月出高樹流輝照我裳
歛襟不成寐起來步長廊
沈沈天宇淨皎皎河漢長
不見同心人俛仰徒徬徨

送王大尹昇歸羅田

昔別羅川埃今逢廣陽城
寂寞羈旅中尊酒聊屢傾
春陽散淑氣細柳聞新鶯
離懷坐來愜遂此平生情
如何忽歸去迢遞遵王程
東風吹薄袂積雪開初晴
留君不可住送行至長亭
回首客窓夢關山同月明

送范助教往北京國監

春雨乍開霽旭日麗郊畿
紛紛隨車馬客送別龍江湄
江波起浩蕩遠色相依微
桃花散紅纈岸柳揚翠眉
豈不惜光景柰此當睽離
祖帳對行色橋門待來時
當杯易為感後晤難可期
關河阻千里明月長相思

拙存

吾觀陋巷士蕭然獨無營
室中何所有篋瓢與遺經
終日寂不語誰能測其情
有道存意自適神超愚乃名
如何後代人巧智以相傾
而子敦朴素不自矜其能
拙訥世所棄至理中自形
斂之方寸餘擴之天地盈
希賢諒斯在遲爾垂休聲

溪山行樂圖

幽居久獨閉山溪有佳興携琴出門去過橋得微徑
不逢山中人澄波見魚泳白雲空外飛蒼苔樹底淨
坐來彈一曲礪泉入清聽悠然得深趣不覺歸途暝

壽菊詩為王脩撰賦

百卉春向榮佳菊寒更芳托根復得所花葉何焜煌
欣言撥其榮置之白玉堂盈盈粲華采馥馥散餘香
徘徊眄喬林蕭瑟摧風霜而此數寸華敷榮固如常
無乃近密地膏澤自汪洋頌茲和氣充不為摧折傷
微物有若此對之幽思長豈徒愜芳玩晚節永相望

送陶給事僉憲福建

駭馬被雕鞍長鳴在路傍繡衣出青瑣粲粲相輝光
天空寒風勁鷗鷺凌雲翔朝端懷碩望憲府資才良
閩閩南海上緬鮑川途長行矣意自適豈為離別傷
望望杳莫扳回首但徬徨

古廡李先生詩集卷二終



Handwritten text or a small label on the right edge of the page, possibly indicating a page number or a section title. The text is partially obscured by the dark area and is difficult to read.

程